

Obra di nos artista local Gilbert Senchi **Diahuebs San Nicolas ta cera conoci cu un obra di arte nobo "Lolita"**



ORANJESTAD (AAN): Henter comunidad di Aruba y specialmente e barrio di San Nicolas ta cordialmente invita pa e ceremonia oficial na unda cu lo tin develo di e estatua di Lolita. E develo ta tuma lug a diahuebs cuminsando for di 6or di atardi banda di Oficina di Turismo na San Nicolas.

Lolita ta simbolisa historicamente e hende muhernan fuerte y independiente na San Nicolas cu por medio di e espirito di 'entrepreneur', a sa di hiba nan famia dilanti. Hopi di e hende muher afro caribense aki tabatin gran influencia den comunidad y e estatua di Lolita ta representa y caracteriza e pasado aki.

E proyecto a inicia bou di e Ministerio encarga cu Cultura y Turismo anterior. Gobierno actual ta reconoce e aporte y balor cu e proyecto aki tin.

Conhuntamente den Consejo di ministranan a aproba continuacion di no solamente e proyecto di Lolita, sino di Changa y henter e transformacion di e area di San Nicolas como un centro di cultura y herencia.

Hopi importante pa aña di ta cu Gobierno a ricibi ayudo y aporte di yiu homber di Lolita Louis, for di inicio y ta considere un honor pa a scoge pa uza e figura di su mama como simbolo di e hende muher fuerte di San Nicolas.